

**Si₂ carta a₂ ca₂ jmo₃ San Pablo ne₄
dsa₂
GÁLATAS**

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂'ín₁ quián₅ dsa₂ mi₂güí₃, on₃ guë'₂ i₂chen₄ quián₅ dsa₂ mi₂güí₃ ně₃. Líng₅ jan₂ i₂'ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jein'₅₄ ja₁jme₁rë'₂lin₅₄.

² Jniá₂, quian'₅₄ ca₂le₃jín₃ rín'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia.

³ Jui₁jme₂gu'₅₄ bá₄ Diú₄ 'nia'₂, ju₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo ně₃, ju₁'ei₅ bá₄ tei₄ tion'₅₄ 'nia'₂.

⁴ Jesús 'éi₂ bá₄ ca₂gue₃ 'mú₃ 'uig₅₄ dsáu₁ jniog₄, a₂lió₂ jë₄ mi₂güí₃ 'lig'₅₄ la₂, co₂jaun₂ ca₂rë₃'ñió₃ dsí₅ Diú₄ quián₂ i₂lín₅ jmei₂ jniog₄.

⁵ ¡'Éi₂ bá₄ ju₁le₂juin'₂ co₂tan₅₄! A₂méi₃.

Tsá₃ ma₃jág₁ siá'₂ cha₂ jua'₅₄ a₂lión₂ dsa₂

⁶ Dsi₂gó'₃ dsi₃ ia₁ ma₂'niog'₂ 'nia'₂ téng'₄ cón'₂ Diú₄ i₂ca₂të₃ 'nia'₂ tē₂le₃ ia₁ a₂'ua₁ dsí₅ Cristo. Ia₁ a₂ma₂nag'₂ táng₃ 'nia'₂ jág₁ siá'₂.

⁷ On₃jua'₅₄ a₂dsi₂jó'₃ a₂cha₂ guë₄ jág₁ dse₃ siá'₂ a₂lió₂. La₁ia₁ juá'₅ jniá₂, chan₂ i₂lín₅₄ i₂i₂nio₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsín₃ jág₁ dse₃ la₂ quió'₅ Cristo a₂tín'₄ dsa₂.

8 La₁ në₁jua'₂ chan₂ i₂jme₂tín₅ 'nia'₂ caun₂ jág₁ a₂juá'₂ a₂tín'₄ dsa₂, la₁ në₁jua'₂ tsá₃ lě₅ con'₂ lě₅ jág₁ a₂ma₂'ě₄ jnia'₅₄, dsa₂ 'éi₂ jui₁tě₂tsin'₅₄ náu₃ a₂dsi₃'éin₂. Tsá₃ a₂nag₅₄ o₁jñia'₅₄ guio₅₄ jnia'₅₄, o₃ o₁jñia'₅₄ jan₂ ángel i₂já₅ guei'₅₄ i₂juíg₃.

9 Jui₁lia'₂ ma₂jua'₅₄ jnia'₅₄ në₅, juá'₄ táng₃ siá'₂: në₁jua'₂ chan₂ i₂'ě₂ jág₁ a₂ma₂rě₂tsín₄, a₂tsá₃ lě₅ con'₂ lě₅ a₂ma₂gue'₅₄ 'nia'₂, dsa₂ 'éi₂ jui₁tě₂tsin'₅₄ náu₃ a₂dsi₃'éin₂.

10 ¿'E₂ lín'₂ 'nia'₂? ¿O₃ bá₄ a₂jme₂'uá₁ jniá₂ dsí₅ dsa₂ mi₂güí₃ con'₂ dsi₂ten₅₄? ¿O₃ bá₄ a₂jme₂'uá₁ jniá₂ dsí₅ Diú₄ 'e₂? ¿O₃ bá₄ jmo₅ jniá₂ a₂'ñio₂ dsí₅ dsa₂ mi₂güí₃ 'e₂? Tsá₃ ma₃le₃jua'₅₄ a₂lín₅ guě₄ dsa₂ i₂jme₂ti₃ ja₁con₂ Cristo, jua'₅₄ mei'₂ guě₃ le₂jaun₂.

A₂ lia'₂ ca₂lín₃ Pa₄ jan₂ i₂chen₄ quián₅ Jesús

11 Jui₁le₂ñi'₅₄ 'nia'₂ rin'₅₄ jniog₄, jág₁ dse₃ a₂tín'₄ dsa₂ a₂qui₂'ě₅ jniá₂, on₃jua'₅₄ jág₁ a₂le₃jua'₅₄ a₂lě₁'no'₂ dsa₂ mi₂güí₃ dsí₅.

12 On₃ guě'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güí₃, on₃ guě'₂ jua'₅₄ chan₂ dsa₂ i₂ca₂jme₃tag₅ jniá₂. 'Ñiog₅ bá₄ Te₁gui'₅₄ Jesucristo ca₂jme₃jniai₂₃ jág₁ në₅ ja₁cong₂.

13 Ia₁ ma₂ca₂rě₃ñi'₅₄ bá₄ 'nia'₂ 'a₂ lia'₂ jme₁lín₄ le₂jniá₅, lia'₂ con'₂ jme₁'eng₅₄ guě₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂ ně₃ a₂dséi₂ dsí₃ guě₄ lín₃ ca₂'éng₃ dsa₂ quián₅ Diú₄, 'ñio₅ lín₃ jme₁quín₅ jniá₂ bí₂ a₂co₂dsia₅ jme₁'éng₄ dsa₂ 'éi₂.

14 Ia₁ jniá₂ bá₄ i₂jme₁dsi₂jñiág₄ 'ñio₅ lín₃ guě₄ con'₂ guě₄ ca₂le₃jín₃ dsa₂ go₃ i₂co₂rín₂ quiang'₅₄. Ia₁ jniá₂

'ŋio₅ lín₃ guě₄ jme₁jme₂gó₁ jmo₂₃ 'í₁ tag₄ quió'₅ dsa₂
can'₅₄ quián₂ jnia'₅₄ ma₂líg'₂.

15 La₁ lia'₂ con'₂ né'₃ a le₃chang₂, ca₂quió'₂ Diú₄.
A₂'ua₁ dsí₅ guě₄ lín₃ ca₂tě₃ jniá₂. Ca₂rě₃'ŋió₃ dsí₅,

16 ca₂jmo₃ ca₂rě₃cuíng₅ ca₂'iin₃ Ja₁ŋi'₅₄, ia₁jaun₂
qui'₁'ě₄ jniá₂ jág₁ dse₃ quió'₅, jín₄ dsí₂nau₂. Jaun₂ tsá₃
jua'₅₄ ca₂ŋeg₅₄ ca₂i₁'niag'₂ dsa₂ mi₂güí₃ i₂to'₂ jág₁,

17 on₃ guě'₂ ca₂ŋeg₅₄ juig₂ Jerusalén jua'₅₄
ca₂i₁jing₁₂ i₂ma₂lín₅ dsa₂ i₂chen₄ quián₅ Te₁gui'₅₄,
i₂ma₂ja₂lén₂ jniá₅ guě₄ lia'₂ con'₂ guě₄ jniá₂. Dsi₂jui₅
bá₄ ca₂ŋeg₅₄ le₂'uig₅₄ jui₅ 'uě₃ Arabia. Cang₂ guě₄
jaun₂ ca₂ŋág'₃ jui₅ Damasco.

18 Jme₁ca₂dsin₃ 'ni₅ ŋi₂ cang₂ jaun₂, jaun₂ guě₄
ca₂ŋeg₅₄ Jerusalén ca₂i₁dsia₂ jág₁ quian'₅₄ Pe₄.^{*}
Ja₁jaun₂ ca₂jan₅₄ guia₃'-ŋiá₂ jmig₄.

19 La₁ 'i₁jan₂ i₂sián'₂ i₂lín₅ i₂chen₄ quián₅ Jesús tsá₃
ca₂jing₅₄, jnia'₅₄ lia'₂ jan₂ Jacobo dsó₂ rin'₅₄ Te₁gui'₅₄
bá₄.

20 Jág₅ bá₄ Diú₄, jág₁ dsau₅ bá₄ tó'₅ ne₄ si₂ la₂, tsá₃
tě₂jíng₁.

21 Cang₂ jaun₂ guě₄ ně₃, ca₂ŋó₃ le₂tan₅₄ juig₂
ja₁tén₄ 'uě₃ Siria quian'₅₄ Cilicia.

22 Rin'₅₄ jniog₄ quián₅ guá'₅ chan₂ 'uě₃ Judea ně₃
i₂tión₂ le₃quió'₅ Cristo, tsá₃ jme₁ma₂cuig₂₃ dsi₁ne₁.

23 Jnia'₅₄ lia'₂ jme₁ma₂nág₂ bá₄ dsia₅ rin'₅₄ jniog₄
'ag₂₃ juá'₂: “Dsa₂ i₂jme₁co₂'ein₅ jniog₄ le₂jniá₅, la₁
rě₂ně₃ ně₃ ma₂ŋi₂₃ ján₃ 'ě₂ jág₁ a₂jme₁'nio₃ jme₁'éin₂
le₂jniá₅.”

24 Jaun₂ ca₂jme₃juin'₂ Diú₄ bá₄ o₄quió₃.

* 1:18 griego: Cefas.

2

Dsa₂ i₂chen₄ sián'₂ guein'₂₃ Pa₄

¹ Jme₁ca₂ŋ₁₂ guía₃-quén₂ ŋ₁₂ cang₂, jaun₂ guě₄ ca₂ŋeg₅₄ táng₃ Jerusalén quiang'₅₄ Bernabé. Tito ně₃, ca₂jáng₂.

² Ca₂ŋeg₅₄ ja₁jaun₂ ia₁ ca₂jme₃jnia₅ Diú₄ ne₃ a₂ca₂tíng₂ nei₅₄. Jaun₂ ca₂dsia₃ bá₄ jniá₂ ne₄ dsa₂ i₂tián'₅ Jerusalén 'éi₂ jág₁ dse₃ ně₅ a₂'ě₅ jniá₂ jn₄ dsia₂nau₂, la₁ jmá'₃ lia'₂ quian'₅₄ dsa₂ i₂lia'₂ lě₅ i₂quian₅ ne₄ ju₅ bá₄, jě₄ con'₂ jmá'₃ guio₅₄ bá₄ jnia'₅₄, ca₂dsiá₁ jág₁ ia₁jaun₂ tsá₃ lě₅ jua'₅₄ a₂lě₁ŋi₅ jniá₂ jmo₂₃ ta₁ a₂tsá₃ ta₁ tí₄.

³ Ca₂lia'₂ jnia'₅₄ Tito, i₂jme₁quian'₅₄ jniá₂, tsá₃ ca₂chi₃quióng₂ dsa₂ jmig₄ jua'₅₄ a₂tion₅₄ jme₃ti₃ 'éi'₃ a₂jme₁ti₃ ni₁lo₁₂, o₁jnia'₅₄ jme₁lín₄ 'éi₂ griego.

⁴ Jág₁ ně₅ ca₂ŋó₃ ia₁ i₂lín₅₄ dsa₂ i₂ju₁i₁gan₂ i₂juá'₂ lín₅ rín'₅₄ jniog₄, ca₂i₃toin'₅₄ con'₂ tē₃co'₅₄ jě₄ quián₂ jnia'₅₄, a₂jme₁nio₃ tiog₃ con₂ 'í₁ 'a₂ lia'₂ lě₅ chong₂ jnia'₅₄ con'₂ dsa₂ ma₂lón₂ le₃quió'₅ Cristo Jesús, ia₁ tsá₃ ma₃tio'₅₄ jniog₄ 'éi'₃; la₁ 'éi₂ ně₃ jme₁nio₃ jme₁to'₂ táng₃ 'éi'₃ guei₂ jaun₂.

⁵ La₁ tsá₃ 'ein₂ ca₂cuě₃ jnia'₅₄ jmig₄ jnia'₅₄ 'i₁ca₂tiá₂ tei₄ jua'₅₄ jme₃gau₅ 'éi₂, ia₁ 'niog₂ jnia'₅₄ a₂caun₂ o₁nóg'₅ cha₂ jág₁ dsau₅ ja₁con'₂ 'nia'₂ jág₁ dse₃ a₂lión₂ dsa₂.

⁶ Ju₁lia'₂ dsa₂ i₂lia'₂ lě₅ lín₅ dsa₂ dsen₅₄ i₂juá'₅ jniá₂, (ton'₂ ján₃ bá₄ tsá₃ a₂jaun₂ tion₅₄ 'ín₅ dsia₃ le₃guion₅₄ 'a₂ lia'₂ ma₂ja₂lén₂ 'éi₂ jmo₂₃ guioin₅₄. Ia₁ tsá₃ 'í₁ jaun₂ con₂ Diú₄ jua'₅₄ 'a₂ lia'₂ jniá₂ dsa₂), ju₁lia'₂ dsa₂ 'éi₂ ně₃, tsá₃ 'e₂ ŋag₅₄ jua'₅₄ a₂ca₂jme₃tag₂₃ guě₄ con'₂ lě₅ jág₁ a₂'ě₅ jniá₂.

7 Ia₁ tē₂le₃ ca₂rē₃lí'₄ bá₄ guoin₅₄, co₂jaun₂ bá₄ ta₁ a₂ma₂cuē₃ Diú₄ a₂'ē₄ jniá₂ jág₁ dse₃ jin₄ dsi₂nau₂,* jui₁lia'₂ lē₅ ta₁ ma₂dsia₃ gu₂ Pe₄ a₂'ē₂ jág₁ dse₃ jin₄ dsa₂ judíos.†

8 Jaun₂ Diú₄ i₂jan₂ tan₅₄ 'éi₂ bá₄ ca₂chein₃ guē'₂ Pe₄ a₂lín₅ 'éi₂ dsa₂ i₂chen₄ quiáin₅ tē₂le₃ jin₄ dsa₂ judíos, le₂jaun₂ bá₄ ca₂chei₃ guē'₂ jniá₂ ján₃ a₂lín₅ i₂chen₄ quiáin₅ tē₂le₃ jin₄ dsi₂nau₂.

9 Jaun₂ lē₃, Jacobo, Pe₄,‡ quian'₅₄ Juan₅₄ ně₃, co₂'nió'₄ i₂lín₅ dsa₂ dsen₅₄ quián₅ guá'₅, ca₂rē₃lí'₄ bá₄ guoin₅₄, 'njog₅ bá₄ Diú₄ ma₂cuē₃ ta₁ ně₅, jaun₂ ca₂cuē₃ gu₂ a₂ca₂jmo₃ léi₄, jniá₂ quian'₅₄ Bernabé co₂'nió'₄ a₂'ei₅ caun₂ jág₁ quiain'₅₄ a₂dsau₅₄ jnia'₅₄ dsi₁jmo₁ ta₁ ja₁con₂ dsi₂nau₂. Guoin₅₄ guē'₂ táng₃ dsi₂jmo₂ ta₁ jin₄ dsa₂ judíos.

10 Jnia'₅₄ lia'₂ a₂jaun₂ bá₄ jág₁ a₂ca₂cuē₃ a₂jmo₁ jnia'₅₄ dsiog'₂ dsi₅ dsa₂ te₂ηé₂, a₂ně₅ bá₄ guē'₂ a₂'ín₅ dsi₃ jniá₂ quín'₅ jniá₂ bí₂ jmo₂₃.

Ca₂jí₂ Pa₄ ca₂jéin₂ Pe₄ juig₂ Antioquía

11 La₁ lia'₂ con'₂ ηe₄ Pe₄ juig₂ Antioquía, ca₂jéin₂ jniá₂ dsi₁ne₁, 'uig₅₄ ia₁ a₂jmo₂₃ a₂tsá₃ dsi₂ten₅₄ jmo₃.

12 Ia₁ le₂jniá₅ jme₁guē'₅ co₂dsia₅ quiain'₅₄ dsi₂nau₂; la₁ jme₁ca₂dsi₃lén₂ i₂chen₄ quián₅ Jacobo, jaun₂ gué₄ ca₂jme₃lióg₃ ca₂ηó₃ cau₅, tsá₃ ma₃ca₂guē'₃ quiain'₅₄ dsa₂ 'éi₂, 'uig₅₄ ia₁ a₂gain₃ dsa₂ i₂ti₅ lo₄.

13 Jaun₂ dsa₂ judíos i₂'én₂ sián'₂ ca₂jme₃quiain'₅₄ bá₄ Pe₄ a₂lē₁co₂jmo₂₃ o₁ne₁ quiong'₅₄; ca₂lia'₂ le₂jio₃ Bernabé ca₂ηó₃ quiong'₅₄ ján₃.

* 2:7 lit. “jin₄ dsa₂ i₂tsá₃ lo₄ rē₂uīg₄.” † 2:7 lit. “jin₄ dsa₂ i₂rē₂uīg₄ lo₄”; ján₃ bá₄ ‡ 2:9 griego: Cefas; ján₃ bá₄

14 La₁ jme₁ca₂jág₃ jniá₂ tsá₃ jmo₂₃ lia'₂ con'₂ lě₅ tí₅ dsón'₂ juá'₂ jág₁ dse₃, jaun₂ ca₂juíg₂ jniá₂ Pe₄ tē₃nag₅ le₃jín₃ dsa₂:

—'Ne₂ guē'₂ líng'₅ jan₂ dsa₂ judío, le₂jaun₂ bá₄ guē'₂ chang'₂ jmo'₂ lia'₂ lě₅ chan₂ dsi₂nau₂, on₃jua'₅₄ rē'₂ con'₂ lě₅ jme₁jmó'₂ ia₁ a₂líng'₅ dsa₂ judío, ¿₁a₂ bá₄ lia'₂ jaun₂ chi₁quiang'₅₄ jmíg₄ dsi₂nau₂ a₂le₃chain₂ con'₂ lě₅ chan₂ dsa₂ judíos?

15 'Lág₅ jniog₄ judíos con'₂ lě₅ chong₂, —ca₂juíg₂ jniá₂ Pe₄—, on₃jua'₅₄ rē'₂ juí₁lia'₂ dsi₂nau₂ i₂qui₂rē₂cán'₄ dso₄.

16 Jaun₂, a₂ne₄ bá₄ jniog₄, 'i₁jan₂ tsá₃ 'ein₂ guén'₂ Diú₄ nē₂jag₄ i₂tsá₃ 'e₂ dso₄ rin₂, jua'₅₄ a₂jme₃ti₃ 'Éi'₃, jñia'₅₄ lia'₂ a₂le₃'én₂ bá₄ dsa₂ tē₂le₃ quió'₅ Jesucristo. 'Uig₅₄ jaun₂ ca₂tē₂ jniog₄ ján₃ ma₂ca₂rē₃'éin₂ tē₂le₃ quió'₅ Jesucristo ia₁jaun₂ bá₄ guéi'₂ Diú₄ jniog₄ nē₂jag₄ a₂tsá₃ ma₃'e₂ dso₄ rē₂cáu'₄, tē₂le₃ a₂jñia'₅₄ con'₂ 'éin₂ bá₄, on₃jua'₅₄ rē'₂ a₂'nió'₅ jme₁ti₁ ta₁ quí'₅ 'Éi'₃. Ia₁ 'i₁jan₂ tsá₃ 'ein₂ chén'₅ rē₂ ne₄ Diú₄ tē₂le₃ quian'₅₄ a₂jme₂ti₃ 'Éi'₃.

17 Nē₃ nē₃, chi₂jua'₂ 'niog₂ jniog₄ tē₃tsag'₅₄ dse₃ tē₂le₃ ne₄ Diú₄, 'uig₅₄ ia₁ a₂ma₂tióng₂ le₃quió'₅ Cristo, jaun₂ guē₄ ca₂dsió₃ rē₂jniá₂ a₂lág₅ jniog₄ dsa₂ i₂qui₂rē₂cán'₄ dso₄ bá₄ ján₃, ¿_{on1} bá₄ 'nió'₄ le₃jua'₅₄ Cristo tē₂le₃ cuē₅ bí₂ bá₄ jniog₄ a₂caun₂ 'nióg₁ dso₄? ¡Dsón'₂ bá₄ on₃jua'₅₄ le₂jaun₂!

18 Ia₁ chi₂jua'₂ co₂dsia₅ ma₂ca₂'éng₃ caun₂ cosa, con'₂ siá'₂ guē'₂ 'nio₃ chog'₅₄ táng₃, jaun₂ guē₄ dsón'₂ a₂jme₂jniág₁ 'ñió₃, a₂ma₂ca₂i₁juing₅₄ 'éi'₃.

19 Tsá₃ 'io₅ bí₂ 'Éi'₃ jua'₅₄ a₂chei'₃ rē₂ ne₄ Diú₄. Jaun₂ nē₂jag₄ bá₄ i₂co₂dsia₅ ma₂jon₅ bá₄ jniá₂ tē₂le₃ ne₄ 'Éi'₃

ia₁jaun₂ le₃chang₂ táng₃ të₂le₃ ne₄ Diú₄.

²⁰ Jaun₂ co₂'nió'₄ ca₂të₁ton₅₄ bá₄ jniá₂ co₂lë₅ quian'₅₄ Cristo ne₄ cróg₄; jaun₂ on₃jua'₅₄ 'ñi₃ jniá₂ chang₂; 'ñiog₅ bá₄ Cristo i₂chan₂ jui₅ jme₂dsí₂ quió₃. Lia'₂ con'₂ lë₅ chang₂ ni₁ñí₅ la₂, chang₂ të₂le₃ a₂jñia'₅₄ con'₂ 'éng₂ të₂le₃ quió'₅ Ja₁ñi'₅₄ Diú₄, i₂ca₂rë₃'nio₃ jniá₂, ca₂jñin'₂ 'ñiog₅ o₄quió₃ jniá₂.

²¹ Jaun₂ tsá₃ 'nio₃ jniá₂ jua'₅₄ a₂jmo₅₄ cau₅ a₂'ua₁ dsí₅ Diú₄; ia₁ jua'₅₄ mei'₂ guě₃ guion₅₄ dsa₂ lé₂ le₃jmo₃ a₂chein'₃ rë₂ ne₄ Diú₄ të₂le₃ quian'₅₄ a₂jme₃ti₃ 'Éi'₃, tsá₃ 'e₂ ta₁ tí₄ a₂ca₂jon₃ Cristo jua'₅₄ mei'₂ guě₃ le₂jaun₂.

3

'A₂ lia'₂ guén'₂ Diú₄ dsa₂

¹ ¡'En₁ jmá'₃ tsá₃ rë₂'en₅₄ 'au'₂ 'nia'₂ dsa₂ gálatas! ¿'Ein₂ bá₄ je₂na'₅₄ i₂ca₂jme₃gau₅ 'nia'₂? Jua'₂ ma₂ca₂të₂ bá₄ ne'₅₄ 'nia'₂ guiong'₅₄ a₂ma₂ca₂jme₁jnia₅ jniá'₅₄ të₃dsón'₂ 'ñiog₅ Jesucristo i₂të₁ton₅₄ cróg₄.

² Ñag₄ caun₂ 'nia'₂ a₂juá'₄ la₂: ¿'A₂ lia'₂ ca₂guen'₅₄ 'nia'₂ Jme₂dsí₂ quián₅ Diú₄? ¿Ca₁guein'₅₄ 'nia'₂ ia₁ a₂ca₂jme₁ti₄ ta₁ quí'₅ 'Éi'₃ quió'₅ Moisés? ¿O₃ bá₄ ca₂guein'₅₄ 'nia'₂ jme₁ca₂rë₃'éng'₂ jág₁ a₂ma₂nei'₂ 'e₂ 'nia'₂?

³ ¿'A₂ bá₄ lia'₂ ñí₄ tsá₃ rë₂'en₅₄ 'au'₂ 'nia'₂? ¿O₃ bá₄ 'náu'₂ 'nia'₂ 'au'₂ a₂jme₁'ñiag'₂ quian'₅₄ jui₅bí₂ quiáng'₂ guiong'₅₄ a₂ma₂ca₂jme₁lióg'₄ quian'₅₄ Jme₂dsí₂?

⁴ ¿O₃ bá₄ tsá₃ 'e₂ ta₁ tí₄ ca₂le₃jě₃ a₂ma₂ca₂ñí'₂ 'nia'₂? Jui₁le₅₄ bá₄ a₂cha₂ ta₁ jmo₃ bá₄ ca₂la₂ a₂jaun₂.

5 Jë₁ma₂ca₂cu₁n₃ Diú₄ Jme₂dsí₂ quiáin₅ jmo₂₃ léi₄ juë'₂ jin'₄ 'nia'₂, ç'e₂ lë₃ jmo₂₃? On₃jua'₅₄ a₂jaun₂ guë'₂ jmo₂₃ ia₁ a₂jme₂ti'₅₄ 'nia'₂ 'Éi'₃. A₂jaun₂ bá₄ jmo₂₃ léi₄ juë'₂ të₂le₃ ia₁ a₂ca₂rë₃ 'én'₂ 'nia'₂ jág₁ a₂ma₂nei'₂ bá₄.

6 Ia₁ Abraham në₃, ca₂rë₃ 'éin₂ të₂le₃ quió'₅ Diú₄. A₂ca₂rë₃ 'éin₂ jaun₂, ca₂guéi'₂ Diú₄ në₂jag₄ bá₄ i₂ca₂rë₃ti'₅₄ 'éi'₃.*

7 'Uig₅₄ jaun₂ në₃, ca₂tín'₂ 'nia'₂ le₃nji'₅₄: ju₁lia'₂ dsa₂ i₂'én₂, i₂'éi₂ bá₄ i₂lín₅ të₃dsón'₂ co₂'nió'₄ tsi₁jón₂ Abraham.

8 Ne₄ Si₂ gui'₅₄ jaun₂ ca₂juá'₂ Diú₄ të₃njiá'₅ ca₂tsí'₃ Abraham a₂guein₃ le₂jio₅ dsí₂nau₂ të₂le₃ jnia'₅₄ con'₂ le₃'éin₂ bá₄, co₂'nió'₄ në₂jag₄ bá₄ i₂le₃ti'₅₄ 'éi'₃, jme₁ca₂juá'₂ le₂la₂: “Ca₂le₃jë₃ juig₂ te₁'i₁ gua'₅₄ 'uë₃ jme₁gon'₅₄ jniá₂ të₂le₃ quian'₅₄ 'ne₂.”†

9 Jaun₂ le₂në₅ bá₄ në₃, ju₁lia'₂ dsa₂ i₂'én₂ në₃, i₂'éi₂ bá₄ i₂lín₅ dsa₂ i₂rë₂gon'₅₄ quián₅ Diú₄ co₂dsia₅ quian'₅₄ Abraham i₂ca₂rë₃ 'éin₂ 'éi₂.

10 Dsa₂ i₂jmo₅ dsí₅ a₂tioin'₅₄ 'Éi'₃ tióin₂ ju₁'éi'₃ a₂dsi₃ 'éin₂. Ia₁ juá'₂ ne₄ Si₂: “Ca₂le₃jín₃ i₂tsá₃ jme₂ti₃ ca₂le₃jë₃ 'éi'₃ a₂tio'₅₄ ne₄ Si₂ tioin'₅₄ 'éi'₃ a₂dsi₃ 'éin₂.”‡

11 Rë₂ bá₄ léi₄ jaun₂ në₃, 'i₁jan₂ tsá₃ 'ein₂ lé₂ le₃náú₃ rë₂ ne₄ Diú₄ të₂le₃ ia₁ a₂jme₃ti₃ 'Éi'₃. Ia₁ ne₄ Si₂ juá'₂: “Dsa₂ i₂guén'₂ Diú₄ co₂'nió'₄ i₂lín₅ i₂dsen₃, të₂le₃ a₂jnia'₅₄ con'₂ a₂'éin₂ bá₄ le₃chain₂.”§

12 La₁ 'Éi'₃ Juá'₅ quió'₅ Moisés në₃, on₃jua'₅₄ a₂cha₂ ja₁já₄ 'uig₅₄ a₂'én₂ dsa₂ jaun₂. Ia₁ të₂le₃ le₂la₂ bá₄ juá'₂: “Dsa₂ i₂jmo₅ lia'₂ con'₂ lë₅ juá'₂ 'Éi'₃, quian'₅₄

* 3:6 Génesis 15:6. † 3:8 Génesis 12:3; 18:18; 22:18. ‡ 3:10 Deuteronomio 27:26. § 3:11 Habacuc 2:4.

'Éi'₃ jaun₂ le₃chain₂.”*

13 Cristo ca₂quí₃ ca₂lió₂ jniog₄ uig₅ a₂jme₁ca₂tág₂ guéi₁ con'₂ lě₅ 'Éi'₃. Ia₁ ne₄ Si₂ juá'₂: “Ma₂rě₂'ě₂ uig₅ ja₁con₂ chi₂jua'₂ 'ein₂ i₂tě₂ton₅₄ guei'₅₄ 'ma₂.”†

14 Le₂ně₅ ca₂quí₃ ia₁jaun₂ a₂dse₃ jaun₂ a₂ca₂jme₃gon'₅₄ Diú₄ Abraham, ηag₅ le₃ja₁con₂ dsi₂nau₂ tě₂le₃ quian'₅₄ Cristo Jesús. Ca₂quí₃ ia₁jaun₂ guéi₁ jniog₄ ca₂le₃jág₃ tě₂le₃ ia₁ a₂'éin₂, guén₄ Jme₂dsi₂ Jηiό₅ a₂ma₂juá'₂ cuiin₃.

Juᵢlia'₂ 'Éi'₃ Juá'₅, quian'₅₄ jág₁ a₂ma₂cuě₃ Diú₄

15 Rin'₅₄ jniog₄, la₂ cuě₅₄ jniá₂ caun₂ jág₁ jáng'₅ léi₄ 'a₂ lia'₂ lě₅ jmo₅ dsa₂ mi₂güí₃: Juᵢlia'₂ jme₁quiog₂ dsa₂ caun₂ si₂ ja₁tio'₅₄ jág₁ a₂li'₅₄ jaun₂ tio'₅₄ firma quió'₅, jaun₂ 'i₁jan₂ tsá₃ 'ein₂ lé₂ le₃jmo₃ tsá₃ quen₅ si₂ jaun₂, on₃ guě'₂ ma₃lé₂ jua'₅₄ jmo₃ guě₄ ηag₅₄ 'i₁caun₂ con'₂ lě₅ jaun₂.

16 Jaun₂ le₂ně₅ ca₂cuě₃ Diú₄ jág₁ quió'₅ ca₂cuě'₃ Abraham quian'₅₄ chi'₂ dsio₄ 'éi₂. Ne₄ Si₂ quió'₅ tsá₃ juá'₂ jua'₅₄ a₂'in₂₃ “juᵢn₅ tsi₁jon₂” 'éi₂. Ca₂juá'₂ “tsi₁jon₂ quiáng'₂”,‡ 'iin₂₃ jan₂ dsa₂ bá₄. I₂jan₂ 'éi₂ lín₅ Cristo.

17 Le₂la₂ bá₄ 'ě₅ jniá₂: Ca₂jmo₃ Diú₄ caun₂ jág₁ quiaín'₅₄ Abraham. Jaun₂ jme₁ca₂gua₃ 'Éi'₃ Juá'₅ ně₃, quén₂ 'niá₂-láu₂ rě₂dsí₂ guió₂g₂-guiá₂ (430) ηi₂ cang₂ jaun₂, la₁ tsá₃ le₃jua'₅₄ jua'₅₄ a₂tsá₃ quen₅ jág₁ a₂li'₅₄ Diú₄ quiaín'₅₄ Abraham, on₃ guě'₂ le₃jua'₅₄ a₂tsá₃ jma₃quen₅ jág₁ ron₅ a₂rě₂cuě₁ quió'₅ Diú₄.

18 Ia₁ jua'₅₄ mei'₂ guě₃ lé₂ gue₃ dsa₂ a₂ca₂tíin₂ a₂cuě₃ Diú₄ tě₂le₃ ia₁ a₂jme₂ti₃ 'Éi'₃, jaun₂ tsá₃

* **3:12** Levítico 18:5. † **3:13** Deuteronomio 21:23. ‡ **3:16** Génesis 12:7; 13:15; 24:7.

ma₃le₃jua'₅₄ jua'₅₄ a₂gue₃ guě₄ dsa₂ tē₂le₃ ia₁
a₂ma₂cuě₃ Diú₄ jág₁ quió'₅. La₁ ca₂cuě₃ Diú₄
jág₁ quió'₅ ně₃ ca₂cuě'₃ Abraham a₂ca₂tíin₂ gue₃
a₂lě₁gue₃ co₂ŋí₂ bá₄.

19 ĸ'E₂ ta₁ qui'₅ 'Éi'₃ Juá'₅ jaun₂ ně₃? Cang₂ jaun₂
bá₄ ca₂já₃, a₂quí'₃ ta₁ a₂'ě₃ 'a₂ lia'₂ lě₅ qui₂i₁juin₅₄
dsa₂ 'no₂₃ dso₄. 'Éi'₃ jaun₂ ca₂gua₃ ca₂lia'₂ ca₂guan₃
“tsi₁jon₂ i₂jan₂ i₂'iin₂₃ 'éi₂” con'₂ lě₅ jág₁ ma₂cuě₃
Diú₄. 'Éi'₃ jaun₂ ně₃, ca₂tē₁ron₅₄ tē₂le₃ quian'₅₄ ángel
i₂ca₂'ě₂ jág₁. Ca₂tē₁tsin'₅₄ jan₂ dsa₂ i₂chén'₅ ne₄ jág₁.

20 La₁ jme₁ca₂dsia₃ Diú₄ jág₁ quia₁in'₅₄ Abraham
le₂'uig₅₄, 'ŋiog₅ bá₄ ca₂dsia₃ jág₁. Tsá₃ 'ein₂ sián'₂
ca₂nau₂ ne₄ jág₁. Ia₁ i₂jan₂ tan₅₄ 'éi₂ bá₄ Diú₄
i₂ca₂juá'₂ jme₁ca₂juá'₂.

Ta₁ a₂quí'₅ 'Éi'₃ Juá'₅

21 ĸO₃ bá₄ co₂'nió'₄ juá'₂ jaun₂ ně₃, a₂quí'₅ ta₁ 'Éi'₃
a₂'nio₃ 'éin₂ jág₁ a₂ma₂cuě₃ Diú₄? On₃jua'₅₄ le₂jaun₂.
Jua'₅₄ mei'₂ guě₃ lé₂le₃cuě₃ 'Éi'₃ Juá'₅ caun₂ jui₅ ja₁lé₂
le₃chan₂ jme₂dsí₂, jaun₂ bá₄ jme₁lé₂ le₃guen₃ Diú₄
dsa₂ tē₂le₃ quian'₅₄ a₂jme₃ti₃ dsa₂ 'Éi'₃ jaun₂.

22 La₁ lia'₂ con'₂ lě₅ juá'₂ ne₄ Si₂, ca₂le₃jín₃ bá₄
dsa₂ tioin'₅₄ le₁'ŋei'₅₄ jui₅ ja₁'no₂₃ dso₄, ia₁jaun₂ tē₂le₃
a₂ŋia'₅₄ con'₂ 'éin₂ bá₄ tē₂le₃ quió'₅ Jesucristo le₃gue₃
a₂ma₂juá'₂ Diú₄ cuě₃.

23 Né'₃ a₂guá₂ jág₁ a₂le₃'én₂ dsa₂ ně₃, jme₁tio'₅₄
jniog₄ le₁jnág₅ quian'₅₄ 'Éi'₃, co₂'nió'₄ a₂jme₁jmo₂₃ 'í₁
jniog₄, qui₂le₁ŋia₁ a₂le₃jniá₂ a₂le₃'éin₂ jaun₂.

24 'Uig₅₄ jaun₂ bá₄ ně₃, 'Éi'₃ ca₂jme₃góin₃ ne₄ quia₁n₂
jniog₄, ně₂jag₄ bá₄ jan₂ tē₅ i₂ca₂jio₃ ca₂tē₂ ja₁con₂

Cristo, ia₁jaun₂jë₁ma₂ca₂rë₃'éin₂të₂le₃quió'₅'éi₂, lé₂le₃të₃tsag'₅₄jniog₄rë₂ne₄Diú₄.

25 Jaun₂rë₂ně₃ně₃ma₂gua₅bá₄a₂'éin₂jniog₄, tsá₃ma₃tio'₅₄ne₄'Éi'₃jua'₅₄a₂jaun₂a₂jio₅guě₄jniog₄, jmo₅'í₁.

26 A₂lín'₅'nia'₂ca₂le₃jín₃'chi'₂-guein₂quián₅Diú₄, të₂le₃ia₁a₂'én'₂'nia'₂le₃quió'₅Cristo Jesús.

27 Jaun₂ca₂le₃jín'₃'nia'₂con'₂i₂ma₂tion'₅₄'ei₅caun₂jág₁quian'₅₄Cristo lia'₂con'₂jme₁ca₂jño₂g'₂jmi₂g₂, tíon'₂'nia'₂a₂rë₂jniág'₁rë₂ling'₅₄në₂jag₄bá₄Cristo 'ñiog₅.

28 Tsá₃ma₃jma₃quén₅tíon₂dsa₂, tsá₃a₂nag₅₄o₁jñia'₅₄i₂lín₅judíos, o₃griegos, on₃guë'₂i₂lín₅dsa₂i₂jme₂ti₃ta₁ne₄juig₅₄, on₃guë'₂dsa₂i₂tsá₃'ein₂ne₄jme₂ti₃ně₃; dsa₂ñe'₂, o₃dsa₂mí₂'e₂; ia₁i₂co₂rín₂bá₄'nia'₂le₃quió'₅Cristo Jesús.

29 Chi₂jua'₂tén'₅'nia'₂le₃quió'₅Cristo, jaun₂guě₄lín₅dsa₂tsi₁jon₂Abraham, jaun₂ca₂tín'₂'nia'₂guéi'₁a₂lě₅jág₁a₂cuë₃Diú₄.

4

1 A₂la₂bá₄juá'₅jniá₂: Të₁lia'₂bin'₅₄guein₂, i₂ca₂tín₂gue₃a₂lě₅jág₁a₂cuë₃jmei₂, tsá₃jua'₅₄jma₃quén₅lín₅quian'₅₄dsa₂i₂'lian'₅₄quián₅jmei₂, o₁jñia'₅₄a₂dsau₅jan₂i₂'éi₂bá₄quió'₅ca₂le₃jě₃.

2 Chan₂dsa₂i₂jmo₅'í₁nio₅gu₂ca₂le₃jě₃a₂cha₂quió'₅'éi₂, ca₂lia'₂ca₂tě₂jmi₂g₄a₂'ě₅jmei₂.

3 Jaun₂le₂ně₅bá₄lě₅quian'₅₄jniog₄. Të₁lia'₂con'₂big'₅₄, jme₁chong₂jniog₄le₁'ñei'₅₄ne₄'éi'₃, tag₄a₂jio₅bí₂ja₁con₂dsa₂mi₂gü₃ig₃.

4 La₁ jme₁ca₂dsin₃ jmig₄, ca₂chen₃ Diú₄ Ja₁ŋi'₅₄, ca₂rë₃cháin₃ ca₂caun₃ jan₂ dsa₂ mí₂ dsa₂ mi₂güüg₃, ca₂guain₃ lín₅ jan₂ dsa₂ i₂rë₂'en₅₄ ne₄ 'Éi'₃ Juá'₅.

5 Le₂në₅ bá₄ guain₃ a₂quí₃ a₂lió₂ ca₂le₃jág₃ jniog₄ con'₂ dsa₂ jme₁tio'₅₄ 'Éi'₃ jaun₂, ia₁jaun₂ guéi'₂ Diú₄ jniog₄ a₂ma₂lág₅ chi'₂-guein₂ quiáin₅.

6 Jaun₂, 'uig₅₄ ia₁ a₂lín'₅ 'nia'₂ chi'₂-guein₂ quiáin₅ në₃, jaun₂ ca₂chein₃ Jme₂dsí₂ quián₅ Ja₁ŋi'₅₄ tē₂dsi₅ jniog₄, jaun₂ Jme₂dsí₂ në₃ juá'₂: “¡Abba!* ¡Tia₅₄ quiáng₃!”

7 Le₂në₅ jaun₂, tsá₃ ma₂lín'₅ 'ne₂ jan₂ i₂chi₁'ŋe'₅₄ ne₄ 'éi'₃; ma₂lín'₅ jan₂ ja₁ŋi'₅₄ bá₄. Jaun₂ chi₂jua'₂ lín'₅ jan₂ ja₁ŋi'₅₄, ján₃ bá₄ ma₂lín'₅ jan₂ i₂ca₂tín₂ gue₃ a₂lě₅ jág₁ cuē₃.

I₅ dsí₅ Pa₄ o₄quí₄ dsa₂ 'én₂

8 Le₂jniá₅, lia'₂ con'₂ tsá₃ Diú₄ jme₁ma₂cuin'₂ 'nia'₂, jme₁tiong'₅₄ le₁'ŋeg'₅₄ ja₁con₂ diú₄ lag₄ i₂tē₃dsón'₂ on₃jua'₅₄ i₂le₃jua'₅₄ diú₄ dsón'₂.

9 La₁ rë₂në₃ në₃ ma₂cuin'₂ 'nia'₂ Diú₄, co₂'nió'₄ juá'₅, ma₂cuin₅ Diú₄ 'nia'₂. Jaun₂ në₃, ¿'a₂ bá₄ lia'₂ lě₅ a₂o₂no'₅₄ táng₃ 'nia'₂ le₃ca'₃ tsá₃ caun₂ a₂qui₂'náu'₂ 'au'₂ a₂tóng'₂ táng₃ ne₄ 'éi'₃ tag₄ 'uan₅₄ a₂tsá₃ ta₁ tí₄?

10 Ia₁ jmo'₂ bá₄ guē₄ 'nia'₂ 'au'₂ a₂jme₂jué'₁ a₂lín₅₄ jmig₄, tsí'₂, ŋi₂, jein₂ në₃.

11 Njio₅ dsí₂gó'₃ dsí₃ ia₁ con'₂ tsá₃ ŋó₅ në₁jua'₂ tsá₃ 'e₂ ta₁ tí₄ ta₁ a₂ma₂jmo₃ jniá₂ jin'₄ 'nia'₂.

12 Rin'₅₄ jniog₄, chi₂len'₄ jniá₂ 'nia'₂ ju₁len'₅₄ bá₄ 'nia'₂ lia'₂ lín₅ jniá₂, ia₁ jniá₂ ma₂ca₂jmo₃ dsí₃ ján₃

* 4:6 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

a₂lín₅ lia'₂ lín'₅ 'nia'₂. Tsá₃ 'e₂ jua'₅₄ a₂tsá₃ dsi₂ten₅₄
a₂ma₂jmog'₅₄ 'nia'₂.

13 Ia₁ ma₂ŋi'₅₄ bá₄ 'nia'₂, lia'₂ jme₁ca₂'ě₃ jniá₂ jág₁
dse₃ a₂lión₂ dsa₂ jŋn'₄ 'nia'₂ le₂'uig₅₄, ca₂lě₃ le₂jaun₂
'uig₅₄ caun₂ dso₄ a₂jme₁lín₄.

14 Dso₄ a₂ca₂jéin₃ jniá₂ jaun₂ ně₃ co'nió'₄
a₂ca₂caun₃ táu₂ Diú₄ 'nia'₂ bá₄ jaun₂. La₁ on₃jua'₅₄
a₂jaun₂ tsá₃ ca₂guei'₅₄ 'nia'₂ jua'₅₄ a₂tsá₃ ca₂rě₃jei'₅₄.
Těle₃ 'io'₂ guě₄ ca₂guei'₅₄ bá₄ 'nia'₂ jniá₂ ně₂jag₄ bá₄
jan₂ ángel quián₅ Diú₄, ně₂jag₄ bá₄ lín₅ Cristo Jesús
'ŋiog₅.

15 ĵ'E₂ bá₄ ca₂lě₃ quian'₅₄ a₂ŋí₄ lě₃ dse₃ jme₁ca₂'ág₂
'au'₂ 'nia'₂ le₂jaun₂? Lé₂ le₃juá'₄ jniá₂, jua'₅₄
mei'₂ guě₃ lé₂, jme₁'uě'₄ 'nia'₂ míg₂ ne'₅₄ guiong'₅₄,
a₂jme₁cuě'₁ jniá₂.

16 Jaun₂ ně₃, ĵon₃ bá₄ lín'₂ 'nia'₂ a₂'iog₅₄ bá₄ jniá₂ ia₁
a₂juá'₅ lia'₂ tí₅ jág₁?

17 Dsa₂ 'éi₂ ně₃, 'ŋio₅ dsen₅₄ dsí₅ jmo₂₃ quian'₅₄
'nia'₂, la₁ on₃jua'₅₄ a₂dse₃ dsón'₂ lia'₂ dsi₂jio₅ dsí₅.
A₂'no'₂ juí₅ a₂téi'₄ 'nia'₂ jnia'₅₄, ia₁jaun₂ le₃dsen₅₄ 'au'₂
a₂'éin'₄ guioin₅₄.

18 A₂dsón'₂ a₂dse₃ bá₄ jaun₂ a₂cuě'₅ dsa₂ bí₂
riin'₅₄, chi₂jua'₂ a₂jaun₂ bá₄ a₂dse₃ a₂dsi₂jio₅ dsí₅.
La₁ juí₁jmo₁₂ le₂jaun₂ co₂tan₅₄, on₃jua'₅₄ rě'₂ jmá'₃
jme₁'en₅₄ jniá₂ quian'₅₄ 'nia'₂.

19 'Nia'₂ chi'₂-guein₂ quiáng₃, con'₂ siá'₂ táng₃
ma₂ŋag₅₄ uig₅ o₄quián'₂ 'nia'₂, lín₅ ně₂jag₄ bá₄ jan₂
'io₅₄ i₂chan₂ uig₅; caun₂ ŋag₅₄ uig₅ le₂ně₅ bá₄ ca₂lia'₂
ca₂lín'₃ 'nia'₂ a₂dsi₁nóg'₅ léng'₂ lia'₂ lín₅ Cristo.

20 jJua'₅₄ mei'₂ bá₄ lé₂ le₃dsióg₄ jniá₂ tě₂ně₃ ja₁con'₂
'nia'₂, ia₁jaun₂ jme₁tsíng₄ 'a₂ lia'₂ dsia₅₄ jág₁ quian'₅₄

'nia'₂! Ia₁ 'njo₅ lín₃ tsá₃ guion₅₄ 'a₂ lia'₂ jmo₅₄ quian'₅₄
'nia'₂.

Jág₁ jáng'₅ léi₄ jui₁ lia'₂ Agar quian'₅₄ Sara

21 'Nia'₂ con'₂ dsa₂ i₂'niog'₂ tón'₄ táng₃ 'Éi'₃ Juá'₅,
ŋag₄ caun₂ 'nia'₂ a₂juá'₄ jniá'₂ la₂: ¿Tsa₁ ma₂nei'₂ 'nia'₂
a₂juá'₂ 'Éi'₃ jaun₂?

22 Ia₁ juá'₂ Si₂ 'iin₂₃ Abraham, 'éi₂ ně₃ ca₂rě₃chán₃
on₃ ja₁ŋi'₅₄. Jan₂ i₂ca₂can₃ dsa₂ mí₂ i₂jme₁jme₂ti₃
ta₁ ne₅₄; jan₂ guě'₂ i₂ca₂can₃ dsa₂ mí₂ quiáin₅ dsón'₂
i₂tsá₃ 'ein₂ ne₄ dsa₂ sián'₂ jme₂ti₃.

23 Guein₂ i₂ca₂can₃ dsa₂ mí₂ i₂jme₂ti₃ ta₁ ne₄
Abraham, ca₂rě₃chán₃ con'₂ lě₅ rě₂chan₂ guein₂
lě₁guein₂, la₁ guein₂ i₂ca₂can₃ dsa₂ mí₂ quián₅ Abra-
ham 'njo₅ ně₃ ca₂rě₃chán₃ a₂ca₂rě₃ti₃ jág₁ a₂cuě'₁
quió'₅ Diú₄.

24 Jág₁ ně₅, lě₅ caun₂ jág₁ a₂jáng'₅ léi₄. Le₃on₃ 'io₅₄
ně₅ co₂'nió'₄ tìn₃ jág₁ a₂lí'₅₄ Abraham quian'₅₄ Diú₄.
Caun₂ jág₁ ně₅ lě₅ co₂'nió'₄ Má'₂ Sinaí a₂jáng'₅ léi₄
tě₂le₃ quió'₅ Agar i₂cán₂ guein₂ i₂'i₄ 'éi'₃ jme₃ti₃ ta₁
ne₄ dsa₂.

25 Jaun₂ lín₅ Agar co₂'nió'₄ Má'₂ Sinaí, a₂chí'₅
'uě₃ Arabia, a₂lě₅ caun₂ nió'₄ quió'₅ Jerusalén jmi₃g₄
ně₃, ia₁ tion'₅₄ dsa₂ chan₂ ciudad jaun₂ jme₂ti₃ 'éi'₃
co₂dsia₅ quaiain'₅₄ chí'₂-guein₂ quiáin₅.

26 La₁ jui₁lia'₂ Jerusalén 'mí₂ quió'₅ guei'₅₄ ně₃,
rě₂na₄ bá₄ jui₅; jaun₂ ja₁jaun₂ bá₄ lě₅ ně₂jag₄ bá₄
chog₅₄ jniog₄.

27 Ia₁ ne₄ Si₂ juá'₂:
Quian₂ o₂ŋi₃ dsi₅, 'ne₂ 'io₅₄ quen₂,
'ne₂ dsa₂ mí₂ i₂tsá₃ guein₂ ma₂can₅,
'ú₅ co₂mí'₅₄ guio'₅₄ a₂'io'₂ jéng'₂,

'ne₂ i₂tsá₃ 'e₂ jme₁ma₂cuing'₂ 'e₂ jaun₂ a₂chang'₂
uig₅.

Ia₁ tē₂le₃ juin₅ guē₄ guein₂ le₃chan₂ bá₄

quió'₅ dsa₂ mí₂ i₂ca₂téi₂ dsa₂,

lia'₂ con'₂ guē₄ dsa₂ mí₂ i₂chan₂ dsi₂i₂gu₂.†

28 Rin'₅₄ jniog₄, lín'₅ bá₄ 'nia'₂ ju₁lia'₂ Isaac; lín'₅
'nia'₂ chi'₂-guein₂ con'₂ lě₅ jág₁ ca₂cuē₃ Diú₄.

29 Le₂ně₅ bá₄ ju₁lia'₂ jmig₄ jaun₂, ja₁ŋi'₅₄
i₂ca₂rě₃chán₃ con'₂ lě₅ rě₂chan₂ ca₂le₃jín₃,
qui₂ca₂co₃'ein₃ bá₄ ja₁ŋi'₅₄ Abraham i₂ca₂rě₃chán₃
con'₂ ta₁ quió'₅ jme₂dsí₂, le₂ně₅ bá₄ lě₅ rě₂ně₃ ján₃.

30 ¿La₁ 'e₂ Juárez'₂ ne₄ Si? Juárez'₂: “Dsen₅₄ dsi₂néi₂ 'io₅₄
i₂jme₂tí₃ ta₁ ne'₅₄ ně₅ lia'₂ jma₃quiain'₅₄ ja₁ŋi'₅₄, ia₁
lia'₂ o₁líg'₂ jmig₄ jua'₅₄ ja₁ŋi'₅₄ 'io₅₄ 'lian'₅₄ ně₅ ca₂tín₂
tiin₅₄ a₂dse₃ a₂ca₂tín₂ ja₁ŋi'₅₄ 'io₅₄ i₂jín₅₄.”‡

31 Jaun₂ ně₃, rin'₅₄ jniog₄, tsá₃ lág₅ jniog₄ chi'₂-
guein₂ quián₅ 'io₅₄ i₂co₂'nió'₄ chi'₁ŋe'₅₄ 'éi₂. Lág₅ bá₄
jniog₄ chi'₂-guein₂ quián₅ 'io₅₄ i₂jín₅₄ § bá₄.

5

Tiá₂ nau₂ 'nia'₂ ju₁rě₂na₄

1 Cristo ca₂chéi'₂ jniog₄, ia₁jaun₂ tsá₃
ma₃le₃chong₂ jua'₅₄ a₂le₁'ŋei'₅₄ guē₄. Jaun₂ tiá₂
nau₂ 'nia'₂ ju₁rě₂na₄, tsá₃ ma₃tón'₂ 'nia'₂ táng₃ uig₅
'éi'₃ guei₂ co₂'nió'₄ a₂jmo₅ a₂rě₂'ŋe'₅₄ dsa₂.

2 Jaun₂ rě₂ nei₂ 'nia'₂. Jniá₂ Pa₄, juíg₂ 'nia'₂:
Ně₁jua'₂ cuín'₅ 'nia'₂ a₂tí₃ dsa₂ ni₁lo'₄, jaun₂ dsióg₅
'i₁ca₂juig₄ tsá₃ 'e₂ ta₁ tén₄ Cristo ja₁con'₂ 'nia'₂.

† 4:27 Isaías 54:1. ‡ 4:30 Génesis 21:10. § 4:31 o₃, “'io₅₄ i₂lon₄.”

3 'Nio₃ jniá₂ juá'₄ táng₃: në₁'ein₂ cuin₅ a₂ti₃ dsa₂ ni₁lo₁₂, ca₂t₁in₂ jme₃ti₃ ca₂le₃jě₃ 'éi'₃ qui'₅ Si₂ quió'₅ Moisés.

4 'Nia'₂ i₂'náu'₂ jui₅ a₂guéi'₂ Diú₄ a₂líng'₅ dsa₂ dsen₃ të₂le₃ 'uig₅₄ ia₁ a₂rě₂ten'₅₄ 'nia'₂ 'Éi'₃, ca₂dsióg₃ táng₃ co₂dsia₅ ma₂ca₂'nia'₅₄ bá₄ 'nia'₂ jág₁ quian'₅₄ Cristo; ma₂i₂uín'₃ bá₄ táng₃ 'nia'₂ ja₁dsia₅ Diú₄ 'ua₁ dsí₅ ja₁con'₂ 'nia'₂.

5 Ia₁ të₂le₃ quian'₅₄ Jme₂dsí₂, të₂le₃ jnia'₅₄ 'a₂ con'₂ 'éin₂ bá₄ jniog₄, chong₂ a₂'ín₂ dsí₅ le₁jnia₁ a₂já₅ caun₂ jmig₄ jě₁léi₂ dsón'₂ jniog₄ dsa₂ dsen₃.

6 Ia₁ në₁jua'₂ chong₂ le₃quió'₅ Cristo Jesús, tsá₃ 'e₂ ta₁ jmo₃ o₁jnia'₅₄ a₂rě₂uing₄ o₃ tsá₃ rě₂uing₄ 'e₂ lo₄ dsa₂. Ia₁ a₂le₃'éin₂ bá₄ të₃dsón'₂ quen₅, a₂le₃jniá₂ të₂le₃ quian'₅₄ a₂jme₁'nió₄ jniog₄ rin'₅₄.

7 Dse₃ bá₄ lia'₂ con'₂ jme₁ma₂ja₂nó'₅ 'nia'₂. ¿'Ein₂ bá₄ ca₂jmo₃ jnág₅ jui₅ jaun₂ tsá₃ ma₃nág'₁ gau₂ jág₁ a₂tí₅ dsón'₂?

8 On₃jua'₅₄ a₂jaun₂ a₂ma₂tě₅ Diú₄ 'nia'₂ jua'₅₄ a₂jmó'₂ le₂ně₅.

9 Lě₅ jui₁lia'₂ juá'₂ jág₁ quió'₅ dsa₂ ma₂lig'₂: “Quian'₅₄ ca₂jui₄ bá₄ jui₁ levadura, jmo₃ ta₁ guion'₂ ca₂le₃jě₃ ti₁can₁.”

10 Caun₂ bá₄ 'ei₅ dsí₃ të₂le₃ ja₁con₂ Te₁gui'₅₄, a₂tsá₃ ma₃dsí₃jio₅ 'au'₂ 'nia'₂ le₂siá'₂; Diú₄ bá₄ 'ě₂ uig₅ quió'₅ dsa₂ i₂chi₂jan₅ chi₂nei₂₃ jág₁ jin'₄ 'nia'₂, tsá₃ a₂lě₅ jaun₂ jui₁'ein₂ guě₃.

11 Tě₂le₃ quió₃ guě'₂ rin'₅₄ jniog₄, jua'₅₄ mei'₂ guě₃ ŋi₅ jniá₂ te₁neg'₅₄ dsa₂ a₂ti₃ lo₅₄, ¿'e₂ guě'₂ lě₃ qui₂co₂'ein₅ dsa₂ jniá₂? Já₁g₁ dse₃ a₂rě₂'ě₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄ jme₁t₁in₃ jua'₅₄ mei'₂ guě₃ le₂jaun₂.

12 La₁ ju₁lia'₂ dsa₂ i₂cuë'₅ o₂me'₅₄ ds₁₅'nia'₂ a₂ë'₂₃ a₂ti₃ dsa₂ lo₅₄, jua'₅₄ co₂ñei'₅₄ bá₄ ti₃ quió'₅ guioin₅₄!

13 Ia₁ 'nia'₂, rin'₅₄ jniog₄, ma₂ca₂rë'₃té₄ a₂lén'₂ 'nia'₂ dsa₂ i₂i₂nio₄ lon₄. Jnia'₅₄ lia'₂ tsá₃ cuín₅ 'nia'₂ jmig₄ jua'₅₄ a₂jme'ti'₄ guë'₄ 'nia'₂ a₂mi₅ ni₁ñi'₁ ia₁ a₂lín'₅ dsa₂ i₂ma₂lón₂. Të₂le₃ jme'ti'₁ 'nia'₂ ja₁con₂ ríng'₂ le₂jang'₂ le₂jang'₂, të₂le₃ ia₁ a₂'nió'₃ 'nia'₂ ríng'₂.

14 Ia₁ quian'₅₄ ca₂jon₄ jág₁ bá₄ a₂rë'₂ñia₅ ca₂le₃jë'₃ 'Éi'₃ Juá'₅: “Jme'₁nió'₄ dsa₂ mi₂güig'₃ ríng'₂ ju₁lia'₂ 'nióg'₃ 'ñiag'₂.”*

15 La₁ në₁jua'₂ tion'₅₄ 'nia'₂ quíng'₅ ríng'₂ quian'₅₄ i₂la₂ i₂ó₃, të₃ñi'₅₄ quián'₂ 'nia'₂ ia₁ con₂ tsá₃ ñó₅ në₁jua'₂ guion'₅₄ bá₄ 'nia'₂ qui₂co₂dsi₃'éng'₅.

A₂ lia'₂ le₃chan₂ dsa₂ të₂le₃ quió'₅ Jme₂dsí₂ mi₂güig₃ la₂

16 A₂la₂ bá₄ a₂juig'₂ jniá'₂ 'nia'₂: Ju₁le₂chan'₂ bá₄ 'nia'₂ con'₂ lë₅ jiog₅ Jme₂dsí₂, jaun₂ bá₄ dsióg₄ a₂tsá₃ ma₃jme'ti'₄ 'nia'₂ a₂mi₅ ni₁ñi'₁.

17 Ia₁ ca₂le₃jë'₃ a₂'ín₅ dsí₅ ni₁ñi'₁ dsa₂, 'io'₅₄ Jme₂dsí₂ quián₅ Diú₄. Ján₃ guë'₂ le₂jaun₂ a₂'ín₅ dsí₅ Jme₂dsí₂ 'io'₅₄ ni₁ñi'₅ táng₃. Tsá₃ jein'₂; lë₅ 'nei₂. 'Uig₅₄ jaun₂ bá₄ tsá₃ lé₂ le₃jmó'₂ 'nia'₂ a₂'niog'₂.

18 Ia₁ në₁jua'₂ jiog₅ Jme₂dsí₂, tsá₃ ma₃tiong'₅₄ 'Éi'₃ Juá'₅.

19 Ia₁ a₂rë'₂jniá'₂ dse₃ bá₄ 'a₂ lia'₂ lë₅ chan₂ dsa₂ i₂i₂nio₄ con'₂ lë₅ 'ñio₂ dsí₅ ni₁ñi'₁₂: nió'₅ jág₁ a₂tsá₃ dsi₂ten₅₄ nió'₃; i₂nioi₅₄ 'ñio₅ lë₁'ñioi₅ 'e₂ guë'₃ a₂jmo₅-dsáu₅; tsá₃ con₂ dsí₅;

* 5:14 Levítico 19:18.

20 qui₂jme₂gain₃ diú₄ lag₄; jmo₂₃ m₁'₅ a₂chan₂ dsí₅;† i₂'₅ñia₅₄ dsa₂ mi₂güig₃ rin'₅₄; i₂qui₂tsin₅ quian'₅₄ rin'₅₄; i₂dsí'₅ 'uin₅ dsí₅; i₂caun₂ lë₁rë₂'ne₂; i₂'ë'₂ a₂cha₂ quió'₅; i₂dsia₅ m₁'₅₄ jmo₅ le₁dson'₅₄ dsa₂; i₂jmo₅ jmá'₃ co₂nió'₃ quian'₅₄ riin'₅₄;

21 i₂uig₅ dsí₅; [i₂jme₂dsian₅ rin'₅₄];‡ i₂i₂nio₄ lë₁'en₅; qui₂jmo₂₃ jmig₄ ja₁qui₂jmo₅-dsáu₅ a₂'lig'₅₄ ně₃. 'Lióng₂ bá₄ guë₄ a₂siá'₂ jmo₅ i₂lin₅₄ a₂mei'₂ tsá₃ co₂rë₂ ján₃. Jaun₂ 'ë₅ jniá₂ jág₁ të₃jniá₅, ju₁lia'₂ ma₂juá'₃ jniá₂ le₂jniá₅ ma₂juig₂ 'nia'₂, ca₂le₃jín₃ dsa₂ i₂qui₂jmo₅-dsáu₅ a₂në₅ o₁lig'₂ jmig₄ tsá₃ tiin'₄ ja₁gon₂ Diú₄.

22 La₁ le₂la₂ bá₄ chan₂ dsa₂ i₂jio₅ Jme₂dsí₂: A₂'noi₃ riin'₅₄; chain₂ o₂'₅ñio₃ dsí₅; tei₄le₁'ág₄ dsí₅ ně₃, ton'₂ juin'₂ dsí₅ lín₅; 'ñio₂ dsí₅ quiaín'₅₄ riin'₅₄; jmo₂₃ a₂dse₃ dsí₅ ja₁con₂ riin'₅₄ ně₃; tí₅ jág₁ quió'₅ ně₁'e₂ jág₁ jmo₂₃ quiaín'₅₄ riin'₅₄.

23 'Ua₁ dsí₅ lín₅ ja₁con₂ riin'₅₄; ñi₅ 'a₂ lia'₂ jme₃'uáin₂ dsí₅ 'ñiog₅ 'e₂ jme₁ja₂ dsí₅ jmo₃. 'I₁caun₂ 'éi'₃ tsá₃ cha₂ jua'₅₄ a₂lé₂ le₃'liog'₃ quió'₅ dsa₂ i₂chan₂ le₂në₅.

24 Ia₁ dsa₂ i₂ma₂lín₅ quián₅ Cristo, ně₂jag₄ bá₄ a₂ma₂ca₂i₃lé₂ ne₄ cróg₄ ca₂le₃jë₃ lia'₂ lë₅ jme₁lín₄ chain₂ mi₂güig₃, co₂dsia₅ quian'₅₄ a₂jme₁'ín₅ dsí₅, a₂jme₁qui₂dsí₂jio₅ dsí₅ jmo₃ ně₃.

25 Le₂në₅ chi₂jua'₂ chong₂ jniog₄ të₂le₃ quian'₅₄ Jme₂dsí₂, ján₃ bá₄ ju₁i₁nio₁ jniog₄ lia'₂ jio₅ Jme₂dsí₂.

26 Tsá₃ ca₂tág₂ jniog₄ jmó₁ táu'₅, on₃ guë'₂ dsiá₁ m₁'₅₄ le₂jau₂ le₂jau₂, on₃ guë'₂ jmó₁ uig₅ dsí₅ quian'₅₄

† 5:20 griego: farmakeía. ‡ 5:21 A₂lin₅₄ chog₅₄ si₂ tsá₃ le₁ton₅ jág₁ ně₅.

rin'₅₄.

6

Jme'₁on₁ 'nia'₂ ríng'₂ le₂jang'₂ le₂jang'₂

¹ Rin'₅₄ jniog₄, nē₁'ein₂ 'nia'₂ ca₂tán'₂ dso₄, 'nia'₂ guē'₂ con'₂ i₂ma₂jiog₅ Jme₂dsí₂, ca₂tán'₂ 'nia'₂ jme₁'oin'₁, ia₁jaun₂ roin'₂ táng₃, jmó'₂ 'nia'₂ 'ua₁ 'au'₂ ja₁coin₂. La₁ 'í₁ jmo₄, ia₁ con'₂ tsá₃ ηó₅ nē₁le₂jiog₅ 'ñiag'₂ ca₂táng'₂ ján₃.

² Jme₁'on₁ 'nia'₂ ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsí₅ guei₂ quian₅ ríng'₂, ia₁ le₂nē₅ bá₄ le₃ten'₅₄ 'nia'₂ 'éi'₃ a₂ca₂quiog₂ Cristo.*

³ Ia₁ nē₁jua'₂ chan₂ 'ein₂ lín₂ tñin₂ jmo₂₃, nē₁jua'₂ tsá₃ 'e₂ ta₁ téin₄ guē'₂ nē₃, jme₂gain₂₃ 'ñiog₅.

⁴ Le₂jan₂ le₂jan₂ bá₄ dsa₂ ca₂tñin₂ con₂ 'í₁ 'a₂ lia'₂ jñia'₅₄ ma₂lě₅ chain₂ guoin₅₄. Nē₁jua'₂ ca₂rě₃lí'₄ rě₂ ma₂chain₂, tióin₂ dse₃ guoin₅₄ bá₄, on₃jua'₅₄ jñia'₅₄ 'nio₃ chein'₃ dse₃ o₄quió'₄ i₂sián'₂.

⁵ Ia₁ i₂jma₃quén₅ cán₂ guei₂ o₂me'₅₄ dsí₅ guion₅₄ bá₄ dsa₂ le₂jain₂ le₂jain₂.

⁶ Ju₁lia'₂ dsa₂ i₂rě₂tñin₂ jág₁ quió'₅ Diú₄, ca₂tñin₂ jme₃'oin₅₄ tē₅ quiáin₅ quian'₅₄ ca₂le₃jě₃ ne₅₄ a₂dse₃ a₂cha₂ quió'₅.

⁷ Tsá₃ lě₁jme₂gán₁ 'nia'₂ 'au'₂ guiong'₅₄: ia₁ 'i₁jan₂ tsá₃ 'ein₂ lé₂ lě₁co₃jmá'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅.

⁸ Ju₁lia'₂ jan₂ dsa₂ i₂jne₅ a₂'ín₅ dsí₅ ni₁ñi₁ 'ñiog₅, ju₁ñi₅ ni₁ñi₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, ju₁ Jme₂dsí₂ bá₄ ráu₃ quió'₅ ján₃ a₂le₃chain₂ co₂tan₅₄.

* 6:2 'Nio'₂ ja₁ton₅ Juan 13:34.

9 Le nĕ₅ bá₄, tsá₃ lĕ₁o₁'ú'₄ ds_{i5} jniog₄ a₂jmó₁ a₂dse₃; ia₁ nĕ₁jua'₂ tsá₃ ca₂'ág₂ caun₂-tĭn₃ ds_{i5} jniog₄, já₅ bá₄ jmig₄ tĕ₅₄ a₂ráu₃ quián₂.

10 Jaun₂ lĕ₃, lia'₂ co₂ráun₂ lé₂ le₃jmó₁, o₁jmó₁ jniog₄ a₂dse₃ ja₁con₂ ca₂le₃jĭn₃, la₁ ja₂lĭn₃ guĕ₄ le₃ja₁con₂ rĭn'₅₄ jniog₄ i₂'ĕn₂.

'Ĕ₂ guĕ₄ jág₁ tĕ₃jĭa₅, jĕ₁'ág'₅ jág₁

11 Jag₄ 'nia'₂ quián'₅₄ letras ca₁ca'₅₄ jmo₂₃ quián'₅₄ gu₃ 'ĭi₃ó₃,† si₂ a₂tsĭng₂ ne'₅₄ 'nia'₂.

12 Dsa₂ i₂jĭa'₅₄ 'nio₃ le₃jniai₂ tióin₂ dse₃, chi₂quián₂ jmig₄ 'nia'₂ a₂tí'₁ 'nia'₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig'₅₄ ne₄ jág₁ quió'₅ cróg₄ quió'₅ Cristo.

13 Ca₂lia'₂ jĭa'₅₄ guion₅₄ dsa₂ i₂ti₅ lo₄ 'éi₂, tsá₃ a₂jaun₂ jme₂ti₃ a₂juá'₂ ca₂le₃jĕ₃ 'Ĕi'₃ Juá'₅ jaun₂. La₁ 'nio₃ nĕ₃ a₂tí'₁ 'nia'₂ quiáng'₂, ia₁jaun₂ le₃jmo₃ táin'₅ ja₁con₂ ni₁ĭi'₁ 'nia'₂.

14 La₁ jĭa'₂ nĕ₃, o₁lĭg'₂ tsá₃ 'nio₃ jmo₅₄ táng'₅, jĭa'₅₄ lia'₂ le₃quió'₅ 'mú₃ a₂ca₂i₃ĭ₂ Te₁gui'₅₄ Jesucristo quián₂ jniog₄ ne₄ cróg₄ bá₄. Ia₁ 'uig'₅₄ a₂ca₂jon₃ Cristo ne₄ cróg₄, ma₂ca₂ĭ₂ bá₄ mi₂güig₃ ja₁con₂ jĭa'₂; ján₃ guĕ'₂ le₂jaun₂ co₂'nió'₄ ma₂jon₅ bá₄ jĭa'₂ tĕ₂le₃ ne₄ mi₂güig₃.

15 Jaun₂ nĕ₃, 'i₁caun₂ tsá₃ 'e₂ quen₅ a₂rĕ₂uĭng₄ o₃ a₂tsá₃ 'e₂ rĕ₂uĭng₄ lo₄ dsa₂; la₁ a₂léi₂ jniog₄ dsa₂ i₂ma₂ca₂rĕ₃'mag'₂ tĕ₂dsí₅, a₂nĕ₅ bá₄ dsón'₂ a₂quen₅.

16 Tĕ₂le₃ ja₁con₂ ca₂le₃jĭn₃ dsa₂ i₂i₂nio₄ lia'₂ con'₂ lĕ₅ jág₁ nĕ₅, ju₁le₁'ág₄ bá₄ tei₄ 'au'₂ 'nia'₂, ju₁dsia₅₄

† 6:11 'Nio'₂ ja₁ton₅ 1 Corintios 16:21; Colosenses 4:18; 2 Tesalonicenses 3:17; Filemón 19.

bá₄ Diú₄ ηéi₂ dsí₅ ja₁ con'₂ 'nia'₂ i₂ líng'₅ të₃ dsón'₂ dsa₂
juig₂ quián₅.

¹⁷ Nē₃ ně₃, të₂ le₃ ne₄ juí₅ ja₁ dsau₅₄ ně₅, 'i₁ jan₂
tsá₃ 'ein₂ juí₁ cuë₅₄ o₂ me'₅₄ dsí₃, ia₁ ma₂ quian₄ bá₄
jniá₂ 'ηió₃ léi₄ tio'₅₄ ni₁ ηi₃ a₂ jáng'₅ jág₁ dsau₅ a₂ líng₅
të₃ dsón'₂ jan₂ dsa₂ quián₅ Jesús.

¹⁸ Juí₁ jme₂ gu'₅₄ bá₄ Te₁ gui'₅₄ Jesucristo quián₂
jniog₄ jme₂ dsí₂ quián'₂ 'nia'₂, rín'₅₄ jniog₄. A₂ méi₃.
Co₂ ně₅.

Jag₁ 'mí₂ a₂ma₂li'₅₄ quian'₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021

5c52af9e-3086-5d57-9b7e-2e495fea8899